

宋朝大詔令集

宋朝大詔令集卷第一百九十五

政事四十八

誠飭六

勅勝朝堂詔

紹聖元年七月戊午

送往事居是必責全於臣子然怒宿怒宜宜上及於君親朕繼體之初宣仁聖烈皇太后以太母之尊權同聽覽仁心誠意專在保佑朕躬自以兼惟之間聞見不周及故不次以用大臣推心以委政事非獨倚任耆賢所冀恢昭聖功司馬光呂公著忘累朝之大恩懷平時之袂望幸國家之變故遂朋黨之姦謀引呂大防劉摯等或自要塗繼司宰事或迷居言路游掌訓詞或封駁東臺或勸講經陛願予左右前後皆爾所親於時賞罰恩威惟其所出周旋欺蔽衣裘符同宗廟神靈恣行詛譎朝廷號令輒肆紛更首信偏辭輕改役法開訴理之

局使有罪者微倖下疾苦之詔誘群小之謗言誣橫赦則濫竊苟免
之逋誣厚藏則妄耗常平之積宗聲律而薄經術仕穿鑿而素官儀
棄境土則謬謂和戎弛兵脩則歸過黷武城隍保民而罷增將器械
資用而輟繕修九屬絀綸一皆廢絀人材清混莫辨於品流黨與縱
橫迭分於勝負務快衆時之憤都忘託國之謀方利亮陰之不言殊
匪慈闈之本意十年同惡四海各聲敵計得行邊民受害昔周王受
命召公惟辟國之聞江左雖微興忠有易代之歎天下後世其謂朕
何臨朝弗治視古有愧况復疎遠賤土昧死而獻言忠義舊臣文章
而抗論迹著明甚法安可私其司馬光呂公著呂大防劉摯等各已
等第行遣責降訖噫優禮近司朕欲曲全于體貌自奸明惡爾今復
宜於殊夷至於射利之徒脅肩成市盍從申儆俾革回邪推予不忍
之仁間爾自新之路除已行遣責降人外其餘一切不問議者亦勿

復言所有見行取會實錄修撰官已下及廢棄梁陽寨人自依別勅處分咨爾群工明聽朕命宜令御史臺出榜朝廷建奏院癉勝

誠飭在位勅勝嘉慶四年

朕以眇躬獲承先構永惟休烈盛美欲以昭示萬世而頌遺群茲同運宿愆非訛造訛力肆詆排政事人材毀廢殆盡夙夜悼懼靡敢違寧思與卿士大夫共承厥志庶幾德業傳之無窮念今在廷之臣鮮知事君之義崇鄉原以為善士造虛譽以進無能以交和合黨相見以奉法首公為諱材智勝任則聞其共嫉趣向至正則傾側求仇端亮勁挺有特立之操者不見容於衆人姦阿回通持兩可之說者必得名於流俗沉溺忘返陰薄可嗟乃陰懷私恩顯廢公議以姦臣所斥遂為當罪所變更為得宜以先帝所建立為不然所駁批為非常惜譽除黨幸復甄收務令舊章未能專一扇為是非不定之論欲聞

苦否更用之端浸長小人之道於難知之中以疑天下之聽于未孚之際幸時事之中變庶人情之翕從每懷及茲良用慨嘆朕察言觀事灼見邪心欲正典刑當申儆戒維自今日爾其自新式懲厥愆畢趨於正示以好惡非曰苟然其或怙終必罰無赦咨爾在位尚克欽承

申誡百官詔

朕執天下之正以承宗廟之重夙興夜寐嘉興二三大夫同德比義宏濟艱難乃者權臣擅朝竊弄國柄幸時變故誘脅衆心深險自尊乃敢貪天之力凶復不遜遂成震主之威締交合謀呼吸群助指天畫地睥睨兩宮交通私書深責舊約詭秘莫測包藏禍心公議沸騰姦狀浸顯尚存大体稍屈典刑而士未革心同惡相濟興訛造訕怙終不悛或譎張為幻起胥動之言或群黨相維沮已行之令或頌懷

舊恩以掩邦憲或邀覲後福以明去或倡導邪說謗訕紛然朕虛心以觀紆究其實申勅屢下並至喧呶有臣若斯為國之醜咨爾有衆明聽朕言式詎尔心無載尔為克常其德以叶厥躬朕則汝嘉而汝亦有無窮之間苟懷異意悖德自如變亂是非規動朝聽國有常憲必罰無赦

誠諭中外詔

元符三年十

朕德弗類獲奉宗廟夙夕惕懼思有以潤色鴻業庶綏四方永惟祖考以天縱之聖厲精治道內修政事外闢境土新一代之典則以遺我後人而近者任事之臣不憚過舉或更倡迭和專為紛更以變亂舊章或怙權作威力肆巧詆以中傷多士皆朕之所不取也嘉與在位稽若先憲共圖康公朕於為政取人無彼時此時之間斟酌可否舉措損益唯時之宜旌別忠邪用舍進退唯義所在使政事不失其

常人材各得其所則能事畢矣無偏無黨正直是典體常用中祇率
天下以與天下休息以成朕繼志述事之美不亦邇典若夫曲學偏
見妄意改作妨功撓政以害吾國事者非唯朕之不與迺公議之所
不容亦與衆棄之而已服我訓誡無貽後悔咨爾中外咸體至懷

傳宣內降特旨許三省樞密院契勘詔崇寧元年五月四日

職有常守官有常員總舉言揚叙善考最旌別取愚簡任賢能祖宗
皆有獎訓近來有貪冒之徒不顧廉恥寅緣請謁告囑希求衝改格
條泛濫陳情紛亂憲章陵遲制度若不防限懲艾何以董正治官自
今後應被受傳宣內降特旨並許三省樞密院依下項契勘務在恢
張公道杜塞邪塗顯善抑貪明示勸沮更賴股肱近弼鼎新良臣體
予至懷祇循舊典砥礪翼啓汰交修慎毋依隨惡素綱紀

一宗室伎術官舊有正法及服紀釐革者令外改轉

一宗室合授班行者令換授環衛官

一后妃王府主第奏授骨肉令作文資被受人父祖係文資或自畧得解或

曾補試入太學者非

一后妃王府主第臣僚奏乞醫官充額外太醫局丞之類

一伎術雜流令補授子弟作班行或文資

一內外差遣已注擬人見待闕者令改注

一差遣不依資格令越次注授謂如合入監當候令注親民之類

一舊有選試者令免試補授

一有賄濫及私罪情重遇犯顯著不依赦文年限便令除

落過名

一備道官免試超越職名補額外守闕墜義之類以上雖奉特旨令銜改舊條等指揮須子細契勘若於祖宗

貽訓裕法實有衝改侵紊者可明具有礙是何條格
並奏知更不施行

一醫官供應湯藥有勞特旨令改轉者

授皇城使湏實及五年已上方許除遙郡刺史

授遙郡刺史湏實及七年已上方許除遙郡團練使

授遙郡團練使湏實及拾年已上方許除遙郡防禦

使止以上如勘當得理年未

本色有官有服親改轉

諭內外詔

昔在元祐權臣擅朝倡導邪朋誣詆先烈善政良法肆為紛更紹聖
親攬政機灼見群惡斥逐流竄具正典刑群朕纂承與之洗滌悉復
收召寘諸朝廷而締交合謀彌復膠固唯以沮壞事功報復仇怨為

事論論訛訛必欲一變熙寧元豐之法度為元祐之政而後已九所
論列不駭朕聽至其黨與則遷叙不次無復舊章或繇冗散之中登
殿閣而典方面或既殂謝之後還舊職而加橫恩撓法惠姦鮮不類
此稍從屏遠姑務函容而言路交攻義不可過廼擇其尤者第加裁
削以適厥中尚慮中外註誤之人未免反側盡詳示訓諭以慰安衆
情應元祐以來及元符末嘗以朋比附會得罪者除已施行外自今
已往一切釋而不問在言責者亦勿復輒以為言朕言不渝群聽毋
惑宜令御史臺出榜朝堂仍令都進奏院雕印頒告中外

誠約不得慢占吏部關詔

崇寧元年六月丁未

哲王圖治秉法剛以馭群臣顯考造邦修官制以立憲政故元豐刊
定吏部四選注擬法度總覈陞降備考資序令式格勅精密脩其萬
世遵承守而勿失可也向緣紛更幾漸廢弛遂致乘權藉勢閹閹嫺

經之家或趨就煥諛躁進貪鄙之輩潛肆機巧宛轉干求所有后妃戚里僥倖陳請近五月四日已降指揮約束裁抑其三省樞密院除舊有合係差除案名外又復侵占吏部員闕起職等叙正部直差或已授差遣待闕經隔歲月忽改注別人或終初列仕隨即銜罷至有五七年間尚不能成就一任因使知廉恥安分守介特寒士在部待闕注擬久次每以留滯為歎若不昭示微厲何以糾正官邪自今後應舊屬吏部案闕並不許侵占取闕下部直差其已授未赴及終到任人亦不得改注銜罷餘並檢會元豐法制取旨施行宜遵成憲無輕違紊

臣僚章疏等虛辭盡行改正詔

崇寧元年六月丙寅

哲宗皇帝聖謨淵博睿斷英烈豐功偉績見於行事天下何嘗聞有過失間者臣寮頓忘君臣分義來問伺僚因辨勅章惇於章疏中解

構萬端芳言自口且哲宗皇帝元祐紹聖中未嘗聞有過失形于天下又特在法當陵遲之人謂之釘手足剥皮膚斬頭拔舌之刑遂致連年水旱災變百姓餓死者數十萬計以當時事跡政驗則虛辭誕謾皆無實狀可據顯是獨任偏見形于奏章公肆巧言詆誣先哲載在方冊何以傳示無窮應臣僚章疏有類此者可盡行改正無令漏落以觸朕敢叙天倫紹休前人之意

焚毀元祐條件詔

崇寧元年七月己酉

昔在神考若稽古先王嘉勛半下陋唐漢建立政事著為典章適於損益之宜通乎利害之變翁受群策蔽于淵采緩急先後如累之有畔本末調理如網之在綱非天下之至精孰能與此雖後世有作者何以加諸而元祐之間遭家不造權臣用事俗學欺愚憲前言之不行怨業志之或失汲引死黨沸騰異端肆行改更無復忌憚朕繼志

追慕見于美牆儲神燕間披閱手澤數前烈之幾墜知邪計之所難
夫法令滋彰盜賊多有天下無事庸人擾之數告多方率由舊章乃
其不正不極匪謀匪變古亂常析言破律苟尚存于燕類將有惑
於傳聞其命有司悉行燔毀尚賴弼臣叶濟庶尹交修各公厥心同
底于治今來追復元豐法制已衝改元祐條件不行者其元祐條件
均收申尚書省焚毀三省今後依此遵守仍令進奏院遍牒並依此
施行故茲詔示想宜知悉

申誠臣僚詔

崇寧元年正月二十六日

朕若稽古君臣咸有一德克享天心四方風動從欲以治無有遠爾
罔不率俾朕甚慕焉肆朕纂服深悼姦宄亂常熙寧紹聖功烈掃蕩
風興夜寐以修復之示之以好惡使知禁申之以賞罰使知勸而俗
未丕變人未革心懷利忘義者輕躁鮮廉妨功害能者誣罔善類無

尊主庇民之誠心有匿情苟合之私意至於包藏異志因事輒發斥
言罔上無所忌憚朕虛心以聽舒究其實加之放廢曾莫之懲豈流
俗蔽蒙習非勝是久不可化歟朕方通天下之志以一道德同風俗
凡尔在位在职式訖其心無載尔偽協于克一則朕惟汝嘉汝亦有
無窮之聞其或罔悛復出為惡邦有常刑朕不敢貸故茲詔示体
至懷

本朝大詔令集卷一百九十五

本朝大詔令集卷一百九十五

宋朝大詔全集卷第一百九十六

政事四十九

誠飭七

元祐臣寮不得彈劾詔

崇寧

朕嗣位之始恭默未言往歲姦朋復相汲引倡導邪說實繁有徒或據要路而務變更或上封章而肆詆毀同惡相濟非止一端推原其心豈勝誅殛比詔編類具列姓名乃下從班博盡衆議仍為三等各竭所聞庶幾僉同固有漏失惟邪惡之復起蓋源流之相承迹其從來本于元祐得罪宗廟寧分等差患已親書道為一籍載刊諸石寘在朝堂為臣不忠附見于末所歷雖異其罪惟均朕方以仁恩編後天下前既譴黜弗忍再行亦有可矜出于籍外自時厥後已定不渝群聽式孚或毋輒論其元祐末姦黨並通入元祐籍更不分三等應

係籍黨已責降人並各依舊除今來入籍人數外餘並出籍今後臣僚更不得彈劾奏陳故茲詔示想宜知悉

誠約內外官不得越職言事詔 崇寧三年六月二十四日

古之仕者明於分義謹於廉隅非其職弗言非其招弗往固無借索以亂官常小大交修同底于治朕甚慕之故自親政以來拔用賢能不吝爵賞黜除姦惡于罰之行振肅紀綱申飭檢押庶幾士大夫咸知自好無愧古人而流俗相公未能盡革不在其位乃易其言輒以上聞蓋因無責而又端厚靖共者不加勸輕躁進取者日益多嗜利奔趨惟恐其後以冀幸萬一之意行希企無厭之求犯令侵官曾微畏忌非懷佞以求售則搖沮以妨功朕方明好惡信賞罰以善天下之俗而百官有司所為如此豈廉耻道喪之日久人之蔽蒙習非勝是浸漬所入者深未可以亟化敷抑敦諭惻怛未遽孚未衆也夫戒

之用休董之用威捕告之修其聽無爽洗心易慮惟新是圖尚或罔
愆必罰無赦風憲之任為朕察焉今後內外百官不得越職論事僥
倖奔競不循分守違者仰御史臺彈奏故茲詔示想宜知悉

誠約臆度更張熙豐善政御筆手詔
崇寧五年正月

朕以星文譴告彰示天威祇畏欽崇靡違寧處是用特敷霽澤寬宥
羈縻咸使自新導迎和氣已降指揮除貳元祐妄黨石刻及與係籍
人叙復注擬差遣深慮鄙淺愚人妄意臆度規伺間隙馳騖抵牾觀
欲更張熙豐善政苟害維述必寘典刑宜諭遐邇咸知朕意

誠諭符祐邪臣妄意復用詔
崇寧五年正月

日者符祐邪臣乘間擅權交亂政事姦朋並興肆為謗讟誣詆宗廟
乖父子之恩墮君臣之義推原用心罪在不赦朕雖承祖宗用德為
治明示好惡止從庸斥以為天下萬世臣子之戒累年于茲不忍終

棄是用差次蠲叙復昇祿秩惟以示恩顧豈復用尚慮竊朋妄意私議害國士大夫徂于邪說胥淪溺以敗類朕甚悼焉布告天下明諭朕意毋惑故茲詔示想宜知悉

誠約無言宗廟詔

崇寧五年正月二十五日

朕克謹天戒夙夜祇懼永惟萬事未遑厥乂千陰陽之和乃詔天下政有關失悉計言之朕虛言以聽比覽所上章多論熙豐紹聖之盛烈豈朕志哉士夫所守不蓋前愆來聞訛誣有害繼志述事之意將踏後患朕甚閔焉夫因言以抵罪尤所重惜其申命四方凡今日之事無有大小直言無隱或直宗廟邦有常刑必罰無赦惟尔中外其体茲意

誠約遵神

仰惟神考稽若先王作新萬事已陳於事者著於法未載於法者見

於志朕夙興夜寐進而述之繼而成之罔敢怠忽輔弼大臣與朕司
體省曹寺監驛職合治者也所當悉力一心遵制揚功而比觀施為
尤見廢職豈所以答揚光訓乎先帝美德良法布在有司舉而行之
同底于治其各協德赴功修明法制無或弛廢墜失稱朕意焉

誠約監司

監司分按諸路為耳目之任近降指揮体量公事而觀望顧避附下
罔下隱庇減裂變亂事實於吳亮則以無有於蔡仙則以有為無使
朝廷刑罰失誤其罪莫大除已究正量行黜責外自今敢有懷姦扶
情不實不盡者流二千里斥之遠方永不收叙仍不以去官赦降原
減布告諸路減使

誠約無侵

朕稽若昔分職建官分守不同名實各異大不陵小卑不踰尊故以

官修其方吏宿其謀祇通先烈董正治官而士不知命人不安次越職干祿昧利鮮廉頗沛亂常僥倖苟得至或出位以害已行之令犯分以興胥勳之言內外之臣更相侵紊侍從官非已所職乃輒干預省臺寺監卻守監司更相侵越曾其之懲欲使小大之情孚義利之心定其可得乎夫人有常心法有常守則道德一而政治成法令法俗令具可以守成而懷異侵官靡遵典憲其弊乃位黜乃心各恭尔事罔或不欽以成天下之務如或有違在外委監司在內仰御史臺以聞罰及尔身罪不汝貸

誡士人恪守名節詔 大觀三年五月二日

朕明分守以訓迪厥官敦行義以新美多士不匿厥指孚告在服于茲有年矣士有修身礪行不愛爵賞抗以不次不學無術失礼不恭者黜而弗用賢則任之不貳邪則去之之不疑申之以勸沮示以好

應亦明矣然慮單見淺聞之士不知義命營私犯分鮮廉寡恥尚多有之未有仁而遺其親者也未有義而後其君者也苟為後義而先利不奪不厭此空市所不為況士乎豈慶賞刑威未足懲勸而法未足以禁歟今淳薄無行者已罪交構不忠者已斥凡爾在位其革乃心恪守名節毋易尔操尊君親上勿下比于流俗則朕將親降褒詔以崇獎之其或不悛罰及尔身朕不汝貸可勅賜朝堂咸使知之

曾任待制以上再加識擢不得彈奏詔 大觀三年七月四日

朕祗紹先猷適追成憲任賢僅能小大並進其或自抵譴何名麗譴錯曠日茲久庶有革心傳不云乎過而能改善莫大焉除元祐姦黨及得罪宗廟朕不敢貸外自餘並棄瑕滌垢量才試用責其後効許以自新應曾任待制已上職任人往咎宿愆已經黜責朕則究知本末今再加識推官司勿復以聞望諫官亦不得輒有彈奏其自今以

始尚或不懷復出為惡及怙終飾非申述辨雪與夫背公死黨陰懷報復沮害良法欲成其私無循省悔過之心者邦有常刑必罰無赦布告中外咸体朕意仍榜朝堂

誠約官司遵已行法令詔 大觀三年七月空日

朕酌古之道御令之宜奉若先志制法定令輔臣導民以正厥事以承天休累年於茲法完令具世習民懷矣述而作之舉而錯之信如四時堅如金石萬歲不可易尚慮在位在服之士與爾萬方黎猷弗俟朕志謀猷回邇來間投隙浮言胥動弛墜不舉以潰于成若法度有弊隨宜增改茲治道之常情馭世之過規夫變而通之存乎法推而行之存乎人人或弗廸法何賴焉宜令内外官司應已行之令一意遵承毋或觀望輒有動搖若妄言傳播改革及敢沮壞許諸色人陳告白身與三班奉職有官人轉兩官有名目人轉兩資不願轉資

依白身人推恩並支賞錢五十貫令開封府出榜曉示

太師蔡京被官斥外不許更彈擊御筆手詔

比以奮弼蔡京擅作威福傲睨弗悛屢致人言被官斥外申嚴邦憲足示誠懲尚慮怨仇來時聘志摺摺舊事論列未休下石傾擠彈擊不已務快復讐之私忿不思休貌之前規遂致矯枉過中嫉惡已甚宜伸寬宥曲全始終咨尔臣憐明聰朕命

增賞訓戒鼓惑邪說御筆手詔

大觀四年六月二十七日

昨以星文譴告克謹天威事之未便詳度更革以廢正事以承天休逆者士夫所守徇于流俗而愴巧輕佻之徒構造無根之語鼓惑邪說傾動中外或播傳遷責臣僚或橫議興易政事或妄意更革或詐稱差除其說多端朝更夕改以致搢紳惶惑不安厥位立則聚談行則耦語轉相捫刺欲為身謀各懷疑心潛相睽異為間謀之計仲怨

排之私浸淫成風為害甚大近令開封府立賞許人陳告日來詢詢殊未懲革可出榜朝堂申嚴訓戒如或弗悛寘之典刑必罰無赦可增立賞錢通作五十貫仍令御史臺諫官彈糾

申飭百僚卿等手詔

大觀四年閏八月二十六日

朕一道德以同俗嚴分守以造士振起廉隅士風丕變舍其比周摭摭期于同德共濟且朋黨之論起于漢唐于時姦人乘時肆意傾擠異已忠邪未判擯斥從之則漢南北部唐牛李事其誤朝召亂聚可見矣朕監察前史數下詔旨毀石刻除黨籍合天下之同異釋群心之忿怨咸歸于礼義廉恥之域且大臣進退自昔有之士失所守而不能砥節勵行者曾不体予寬大之意迺餘習未珍交結推近飭巧馳辭沽譽躁進陰構異端附下同上騰播是非分朋植黨牢不可破雖申飭屢至曾莫之革咨尔在位各常其德稽古人之所以行已立

朝慎名節無詭隨以服我無黨無偏之道予惟汝嘉訓而不悛邦有
常憲朕不改貨宜令臺諫齊察彈劾以聞仍出榜朝堂

誠飭鼓惑之言御筆手詔

大觀四年十二月九日

朕頃以浮言動搖國是屢形訓詔申戒庶工咸之以明刑勸之以厚
賞俾知有所畏憚以無紊我治功而稔惡怙終茲駭朕聽凡朝廷損
益政事黜陟官聯必窺伺指歸因緣疑似躋首屬耳揣騰是非或謂
政事曰將廢將興或論人材曰有貶有召好芳自口愛惡惟心肆為
陰虐鼓惑群動欲戕績凝而衆志定何從何得以其守愚弗移下比
流俗怙末懲革徂習故常未欲遽繩以法尚惟用恕故訓飭至于再
三朕之寬貸亦已至矣凡在位在服尚玩于明訓邦有常憲必刑無
赦咨尔多士咸聽朕言可速出榜朝堂

宋朝大詔令集卷一百九十六

六

宋朝大詔令集卷一百九十六

宋朝大詔令集卷第一百九十七

政事五十

誠飭

申飭理財之政詔 大觀四年

朕加惠多方分道置使臨遣申飭德意宣昭庶幾享上赴功協濟厥事而比年以來喻為一切鮮克究心朕甚憫焉且征賦權酷以供經費調制盈虛責在漕臣今承平餘百五十年歲入固不貳于外一法完令具生齒至繁而邦用未協蠲除科條裁制浮冗而調度益急殆部使者罔知憂職而理財之政不修故也矧法紊而不知檢吏姦而莫之懲一有所乏惟仰給于朝廷姑徇其求則復怙然終歲轉相視飭率以為常尚何飛輓之有舉茲以繫責任謂何繼自今其悉意在公是圖是究各循分守以迪厥功儻或弗虔安於苟簡當行竄黜嚴

示戒懲朕言弗翁其聽毋怠故茲詔示想宜知悉

申諭公卿大夫砥礪名節詔 政和元年正月二十九日

朕嗣有令諸繼志廣聲上以彰神考之洪業休德而下以率勵士君子之行庶幾道化行礼義興成一世之俗以副朕之拳拳故比年以來數申詔公卿大夫務尚名節既示之以好惡復申之以賞罰其或懷利忘義妨功害能無尊主庇民之誠心有匿情苟合之私意者今則長惡未悛而越職犯分鮮寡恥無砥礪節礪行之操有保利以棄義之心者亦時有之至或輕保浮躁欺誕說謊而甚者醜正朋邪肆為浮言動搖國是此蓋閭閻里巷之細民戚吏有或不為而乃時出於播紳士夫之門嗚呼朕甚羞之豈告誡之或未孚歟抑賞罰有不足以勸沮歟且名節砥礪則廉恥興行廉恥興行則風俗純厚光王盛時其公卿大夫有素燕之節而中林有忠置之行此王者所由昌也

朕之待士其亦至矣而未獲微報如先王之時不於播紳士夫而責將誰責而可今朕先行實黜浮華獎靜退斥奔競以興忠厚絕一之俗其有珪璧其行松柏其操見謂真賢實廉則為善於家而取賞於朝朕亦何愛哉至或冒進輕銳不知以名節為尚則誅流竄斥隨之朕所不貸申諭朕指其臆勿違朕奉詔如前宜榜朝堂

訓飭士大御筆手詔 政和元年十月二日

朕惟古先哲王敷皇極以道民毋有滯朋毋有比德在位皆正直之行庶民被忠厚之化其盛至於永肩厥心而遂成風俗朕奉承聖考餘休遺烈監于先王成憲任賢使能以倡萬方惟恐弗乃嘉與卿士大夫開公正之路杜私邪之門明是非嚴分守毋有作好惡而追三代之隆累年于茲用事之臣或弗訖其心或弗迪訓告溺舊習來高勢而為邪附下罔上陰害絕迹背公營私締交執怨顧非獨立躬行

則咻惑奔趨論胥以敗究跡既露猶復怙終朕甚羞之傳不云乎義之與比夫植黨分朋不恥附麗之非義以陷悔而不自知豈朕所望哉惟時古人相汲引不為比周稱譽不為朋黨故能成有一德以盡事君之義有無窮之聞朕于士大夫矜以節行厲以廉恥寵以高爵厚祿丁寧訓誨于再于三可謂無負矣而陰詆譟競終莫之革朋黨比年牢不可破放蕩戾辱殆不可已否則威之其在是歟布告列位咸諭朕意忠以衛上毋或自棄昏迷不悛必罰毋赦

訓飭百司詔 政和元年十二月二十一日

神考稽古置法董正治官因任原省而賞罰以信三事大夫奉令于上群司百執事職于下熙豐之隆國有九年之蓄民有可封之俗深仰慕之崇視以來紹隆政事損益廢^舉以達厥中矧以士大夫所宜祇乃辟審所度克勲毋怠以趨功名之會而民力未裕國用未豐不知

所圖祀者弗虔火禁弗戒逸重辟盜庫金莫之畏趨過目前曾靡盡
瘁寔繇頃者大臣有懷姦傾搖之志而士大夫有漸染元祐之風偷
惰廢弛沒以成俗安持祿之鄙貽不任之譏深負所以任使之意甚
不取焉詩不云乎夙夜匪懈有聖寺監分職率屬小大相維内外和
附協志悉心乃底于治其各交修首公勵行共成無斁之効勿使奉
公率職之風再美于前不其善歟御史耳目之官也舉聖綱肅官邪
惟汝之責何憚而不為汝其分行糾劾不法必罰無赦

誠飭聖官言事御筆手詔

熙和元年十二月二十一

耳目之寄聖諫是司古之明王責以言事罔匪正人故能雍容無為
端拱於一堂之上廣覽兼聽信賞必罰以收衆智以馭辟吏百官嚮
方而萬事理今言者不沽諷以微名則畏避以趨利至武陟交貴顯
比近習怙權撓法慢令陵政職所當糾縱而弗治盛則俛首附麗熙

則鼓舌談訾以此觀望窺測進時好而取世資廉恥之道缺零誇之風替何所賴為朕永神考遺緒宵旰圖治悚于以聽言為難有言責者直道而行持悅而從之群工庶僚邪正臧否必覈是非毋憚大吏將以賞刑彰善癉惡輔臣至治服我明命各祇厥官毋溺舊習毋憚後悔

誠約不許更改已行法令詔

政和二年二月

朕躬親萬幾講求民瘼作新憲度乎于萬邦事之缺者悉已完具法之弊者隨即更革熙豐詔令其在謨訓思與天下共遵成憲令貨殖通阜商旅貿遷民物接堵邊隅綏靖中外經費頗亦寬舒持之歲年其効必著尚慮妨功害能之士貪利希進之徒乘間抵譏妄意中陳輕議增損規避其成應今日已行法令三省恪意遵守無容妄自紛更非甚窒碍而輒議改易者以違制論仍令御史臺覈察彈奏

詠飭在位各循分守詔 政和四年七月五日

朕惟先王之時道德一而風俗同上則協恭和衷下則庶人不議丕應侯志從欲以治朕甚慕之朕祇嗣厥服紹休聖緒繼志述事罔敢自暇法完令具可守而行然而衆未革心俗未丕變朝廷揆理立政而士徇流俗造言弗俊稽古成憲而人懷異心害於已成豈獎蒙之俗終不可化而刑賞不足勸以沮黷抑播告之修是訓是行者未如先王之世也朕方明道揆嚴法守宣昭國是糾正官邪九百在位其發戮力一心各循分守毋或侵紊其或徇俗妄議越職侵官持偏見以干正懷私利以背公前却兩端浮偽不根順非罔上刑茲無赦咨尔中外体朕意焉

誠飭三省密院省臺寺監與百職事官御筆

政和五年六月
望日

官各有守故萬事理人各有分故士志定昔者先王之為勸禁率勵

在服小大祇若罔不率俾咸懷忠良協於克一自時朕後士不信義
命忘其大分人昧於寵利失其所守逮至于今尚多有之比又操流
俗之見懷犯上之心造為謬言無必成之政越職論事廢出位之戒
朕詔令數下申諭脩盡至再至三方時承平務在和靖而曾未之革
豈罰所未加故歟自令三省密院資聖寺監與百職事官各揚其職
益慎尔止非尔所職勿行非尔所責勿言毋利口以背動敢不遵承
以達御筆諭仰御史臺劾奏仍榜朝堂

誠諭不更改政事手詔

政和六年七月九日

朕嗣先帝盛德大業繼而述之罔敢墜失粵自初載蔽于朕心非緣
師錫賴天之休克駕先烈法成令且吏習而民安之休祥蓂莢四方
蒙福夙夜震懼其敢自功而士未革心衆間輒議天下生齒日衆本
支繁衍蚩夷納土間疆浸廣惠養以逮天下之窮民康祿有及于疲

塵不能任事之吏興事造功制礼作樂事在有司法令施四方衆建人材稱事增負因勞積賞倍蓰於前遠矣挾姦罔上者于太平豈寧豫大極盛之時欲為五季變亂裁損之計朕若稽古度時之宜親所建立審而後行施之罔極豈有更自改作蠹害之人敢私行智為臣不忠罪莫大此可令御史臺審察糾奏有犯以違御筆論告中外咸使聞知仍榜朝堂

誠安意更革朝政御筆手詔 政和八年

朕惟帝王之盛以道蒞天下而治以法道者萬世無弊一定而不易法則與時宜之變通而不可以為常朕奉承聖緒夙興夜寐務綰神考之道以儀以式以訓以告政立而法度修教行而礼樂著其效在天下其典在方冊固將傳之無窮施之罔極天下後世豈可復謀若遇事與時行所當調劑者法也時運不留法亦隨之照為養夏歟為

秋冬損益盈虛義存均愛獨者審人情之私歟究海內之利否取法之所常議者扶其偏採其失去其泰甚者卿士大夫不深惟國家大体有不可變之道而咻惑于衆多之口蔽蒙于私已之見妄言大臣有異同之論妄意朝政有更革之說以欺愚衆而希世資未欲致于理蓋自崇樞以來繼神考之志以為在天下之道述神考之事以為治天下之具執此之政堅如金石行此之令信如四時探此之公無私如天地兼常親札大字勅榜揭于朝堂近日又復申明此卿士大夫所共知也今茲播告北謂申命其訛乃心率循毋怠敢有倡為異端致疑衆聽者御史臺彈劾以聞常議重行黜責故茲詔示想宜知悉仍出榜朝堂

議內外職務詔 宣和一年三月六日

昔在神考留神萬幾實稽周官按唐典以釐庶工內自省臺外迄郡

縣其任責雖不一而所以為房為察為曹為案其別皆有六聚然憲
度上下相承如指諸掌然以出以納總其職務而行制命為其凡百
有司事緣所屬者均得以取正責實惟六部居其中朕駿憑先猷罔
敢怠夫嘉興卿士協圖康功以追來考日念在茲期屢歲首乃遣執
法按其失而誅之乃命蹕御勞其勤而賞之載加丁寧若在親臨庶
幾奮勵格我勤沮而閔令累年垢玩仍在簡書紛妄真贗雜然偷弊
百出吏之疲者漫不及察巧者得菲緣為姦至有公造符印行文書
以盜名於朝盜利於帑迭相蔽蒙至敗且死而後已度他細務可勝
摘哉夫天下之勢必有有為而勤于下者然後上得以無為而尊必
有作而行之士大夫然後王公得以坐而論道今朕總覽庶務親事
法宮所以治者惟吾士大夫而已苟士大夫舍此不務而一委之吏則朕
何望焉此屬輔臣面加敕勅謂宜体朕至意夙夜講求早正其所謂

稽者違者而闕不聞問亦既累旬詢所施行不遑閱諫四司况具弊
事為便文而止耳嗚呼弊事所隱吏資以為姦者也其肯自狀以取
革乎朕惟大器先自治而後治人爾身克正固敢弗正惟郎所以糾
吏惟長惟哉所以率郎今吏或敢欺其必有自來矣如聞異時為郎
為長哉者或以文藝自居而恥親于簿領或以老成相尚而專事於
清談或寓幕局以避驚而聽治不及其時或假私吏攝按而奉行實
闕其用是所以自治以正身者既大謬不然矣剛苟且歲月儲望養
體數不為得計乎然食焉而怠其事者必有天殃靖共爾位好正是
直者神介之福洋洋乎如在其上可不畏且戒哉

宋朝大詔令集卷一百九十八

政事五十一

禁約上

禁採捕詔 建隆二年二月

王者稽古臨民順時布政屬陽春在候品彙咸亨鳥獸蟲魚俾各安於物性且罟羅網宜不出於國門庶無胎卵之傷用助陰陽之氣其禁民無得採捕蟲魚彈射飛鳥仍永為定式每歲有司具申明之

禁不得影庇色役人詔 建隆三年五月中

古之善為吏者藉役人抑強扶弱期于富庶必在均平將塞倖門宜申明禁應諸州府先舉行在京文武職官內諸司臺省寺監諸軍諸使不得影庇合充縣司色役人戶及在京百司人吏每有收補准元勅洞候本州回之安不得差役即得收補諸稱攝試鄉衛戶例合

充色役者不得放免其諸道州府或于衙前使院及諸將幕隨使人員處影庇常直苟免縣司差役自今委令佐專切照檢除衙前近上職員大將本戶即與放免仍不得影庇他戶餘並不在此限如縣司差充之人所定奪不當並許人戶自相糾舉若州縣不為辨析亦許詣闕伸訴按察不虛其合充役人及元差官吏並節級科罪

禁斫伐桑棗詔 建隆三年九月

桑棗之利衣食所資用濟公私豈宜剪伐如聞百姓斫伐桑棗為樵薪者其令州縣禁止之

禁越訴詔 乾德二年正月乙

設官分職委任責成俾州縣以決刑見朝廷之致理若從越訴是紊舊章自今應有論訴人等仰所在曉諭不得為越陳狀違者先科越訴之罪却送本屬州縣據所訴依理厘分如是已經州縣論理不為

施行及情涉理曲當職官吏並當深罪仍令諸州府於要路粉塗壁揭詔書示之

禁令簿尉無事下鄉詔 乾德二年正月乙巳

張官置吏所以為人吏或不循人將受弊故於近歲曾降明文如聞比來多有踰越奉吾詔以謹致斯民之未康而宜示申明俾令遵守應諸縣令尉無事不得下鄉宜一挂建隆四年五月戊辰詔書從事自今令簿尉委本州判官錄參等常切覈察如有不因公事輒下鄉村及追領人戶節級衙參兼勘罪以聞

禁紀碑留

國家以官得其人治有異等生民受賜許列狀以借留致績可嘉聽其事而稱紀近者吏者吏民等奔走道路直詣闕庭既妨奪於民時叛離於職次自今應諸道節度觀察防禦團練刺史知州通判幕職

州縣官等有政治居最為衆所推願紀豐碑或乞留本任並不得再請闕上言只仰具理狀于不干繫官吏處陳狀仍委即時以聞當與詳酌處分

禁新小鈔鐵等錢及陳惡綿帛入粉藥詔

乾德五年十二月丙辰

錢刀所以通貿易布帛所以脩財用民之急務不可闕焉故弊之輕姦國家所禁物之枉濫律令甚明近聞都市之中賈人作偽或剗銅取鉛盜鑄公行或塗粉入藥詐欺規例是致貨泉日弊偷薄萌生禁而止之抑惟舊典自今京城及諸道州府不得行用新小鈔鐵等錢兼不得以陳惡綿帛入粉藥違者重寘其罪

禁止上供錢帛不得差擾居人詔

乾德六年五月乙

王者之治使人以時非惟不奪於農功亦真無煩於民力自今應諸道州府軍縣上供錢帛並各車來輦從其西川諸路合般錢物即於

水路官自漕運不得差擾所在居人仍於諸路粉壁揭諭書示之

禁西川山南諸道祖父母父母在別籍財詔

乾德月癸

厚人倫者莫大於孝慈正家道者無先於敦睦況犬馬尚能有養而父子豈可異居有傷化源實玷名教近者西川管内及山南諸道相次上言百姓祖父母在者子孫別籍異居詔到日仰所在長史明加告諭不得更習舊風如違者

禁攝官詔

開寶四年正月丙午

銓衡注官自有常制郡縣承乏或紊彛章將革因循宜行告諭自今諸道州縣有闕員處不得更差前資官承攝

禁廣南奴婢詔

開寶四年三月

昔漢高祖既定天下乃詔民以飢餓自賣為奴婢者皆免為庶人蓋革汚俗之弊睦惟嶺表方已削平猶習餘風所宜禁止廣南諸州縣

民家有收買到男女奴婢使轉將傭顧以輸其利者自今並令放免
有敢不如詔旨者當決杖配流

罷廣南大斗

開寶四年七月

朕已平遠俗式示優恩既混車書宜均度量廣南偽命日使大斗受
納租稅者罷之

禁偽黃金詔

開寶四年

昔漢法作偽黃金者棄市所以防民之奸桀也如聞京城之內競習
其術轉相誑耀此而不止為盜之萌自今應西京及諸道州府禁民
無得詐偽黃金違者捕繫按檢得實並寘於極典

禁市易官物增價欺罔官錢詔

開寶七年五月

古人以狹市為寄者蓋知小民唯利是從不可盡法而施之也況先
甲之令未嘗申明苟陷人於刑深非理道將禁其二價宜示以明文

自今應市易官物有因增價欺罔官錢按約得實並以枉法論其犯
在詔前者一切不問

禁約中外臣寮不得因來傳出入賫輕貨邀厚利詔

太平興國二年

正月
丙寅

古者百束之家不畜雞豚伐冰之家不畜牛羊蓋禁其與百姓爭利
也凡我在位莫匪令人賦祿足以代耕臨財豈思苟得尚念戰爭之
彼頗虧廉恥之風雖在搢紳之間猶兢雖刀之未乃至奉使郡國守
鎮藩方固守不貪之言親與細民爭利宜申約束以勸多方自今後
中外臣寮不得因來傳出賫輕貨厚利并不得令人於其諸處圖
迴有不如詔者郡縣長吏以名聞奏

禁約上供物監臨者謹視秤者無得欺而多取詔

太平興國三年七月

庚午

權衡之設厥有常制出納之吝謂之有司倘求羨餘必咨掾克苟視
成而不戒豈為天下守財之道為左藏庫及諸庫所受諸州上供均
輸金銀絲綿及他物監臨官常謹視秤者無得欺而多取俾上計吏
受其弊自今敢有欺度量而取餘羨其秤者及守藏吏皆斬監臨官
亦重寘其罪

禁天文相術六壬遁甲三命及陰陽書詔

太平興國二年十月甲戌

兩京及諸道州府陰陽卜筮人事向令諸州傳送至闕詢其所習皆
不通其業無所取其所由蓋持禍福之言于閭里間誑耀愚民以資
取給耳自今後除二宅及易筮外其天文相術六壬遁甲三命及他
陰陽書民間並不得私習先有蓄者限詔到一月悉以送官限外不
送及違詔私習者悉斬有能告者賞錢十萬州縣吏匿不以聞者亦
重寘其罪

二月至九月禁捕獵詔

太平興國三年四月丙辰

方春陽和之時鳥獸孕育民或捕取以食甚傷生理而逆時自今宜禁民二月至九月無得捕獵及持竿挾彈採果摘卵州縣吏嚴飭里胥伺察擒捕重寘其罪仍令州縣于要害處粉壁揭詔書示之

禁約文武官不得輒入三司公署詔

太平興國五年十月甲申

邦計之重悉在三司苟請託之是行必紀綱之斯紊自今内外文武官不得輒入三司公署及不得以書札往來求託公事非有閤前不得出入三司公署門吏謹察之違者以告

群臣御前印紙不得隱匿毀犯常事不在批書詔

太平興國六年正月

四

朝廷伸懲勸之道立經久之規應群臣掌事於外州悉給以御前印紙所賞善惡無隱毀最必書俾因滿秩之時用仲考績之典如開官

吏頗紊綱條朋黨比周迭相容蔽米鹽細碎妄有指說露有巨而不彰勞雖微而必錄有司披文而校什析以聞志既切於澄清思或由於僥倖成命不反蓋示信以當然出令惟行於垂勸而何在宜行誠諭用敬因循自今應出使臣察在任日勞績非尤異者不得批書曾有殷犯不得隱匿其餘經常事務不在批書之限

禁約戎人私市女口詔

太平興國八年

近屬戎人歲貢馬所過州縣多私市女口出邊關自今謹捕之敢以女口私市與戎人者并市知而不以聞者論如法

嶺南長吏多方化導婚姻喪葬衣服制度殺人以祭鬼等詔

雍熙三年

嶺南之外封域且殊蓋久隔於華風乃染成於汙俗朕博覽傳記脩知其土風飲食男女之儀婚姻喪葬之制不循教義有虧礼法昔漢

之仕延理久真郡遂變遐陋之地而成礼讓之俗是知時無古今人無遠近但問化之如何耳豈有弗率者乎應邕客桂廣諸州婚姻喪葬衣服制度并殺人以祭鬼疾病不求醫藥及僧置妻孥等事並安本處長吏多方化導漸以治之無峻治法以致煩擾

禁約民取富人穀麥貸息不得輸倍詔淳化四年

古者立限田之制以抑兼并設常平之倉用救凶歉今宇宙至廣生齒寔繁阡陌之法既經畧而未定豪強之族尚獄市以慕容累年以來多稼不稔茲黎庶陷於死亡富者操奇贏之資貧者輸倍稱之息歲或小稔復猶歎然而橫恣之家責償甚急什一之稅尚未及供伏臘之資固已皆竭使細民益困大田卒菜國計不能充地利不盡出職此之由也宜令州縣吏戒里胥鄉老嚴察部民有取富人家穀麥貸息不得輸倍未輸稅不得先償私負建者加罪所在鈔壁揭詔

書示之

禁約軍前勿殺脅從詔 淳化五年三月甲寅

近者兇民嘯聚蜀郡驚擾卿舉偏師往伸薄伐已聞虎旅特覆巢果
既踰我於鯨鯢慮俱焚於玉石宜令招安使王繼恩候前軍所下處
其賊黨敢抗王師即誦殺戮其有本州同惡受制凶徒先被脅從今
能歸順者並釋其罪倍與安存所以明好生惡殺之心亦所以舉懲
惡勸善之典凡爾民庶深体至懷

轉運本州不得令縣令按讞刑獄監覈倉庫詔

令長之任風化可先故有不下堂而一境自治兩換其縣而善政大
行所宜躬親於守人不可嬰拂以它務應天下縣令自令轉運司及
本州並不得轉令按讞刑獄監覈倉庫等事俾專厥職以副朕懷

不許獻詩賦雜文詔 淳化五年八月

昔漢武之時上書闕下街鬻者以千數枚舉徒以作賦遂拜為郎東
方朔敢肆大言亦得詔朕甚不取也蓋以自街自保者士女之醜行
難進易退者賢達之令猷遠足以長源兢之風非可以取敦朴之士
自令京朝官不得輒獻詩賦雜文如有時政闕失民間利濟及直言
極諫即許投進其宏材異學為人所稱者令于中書建議丞相以聞
別聽進止

商旅細碎交易不得商其弊詔

淳化三年五月

古者市廛而不稅閭閻而不征蓋所以察奇羨而禁游惰也國家
及商賈以抑末游率循舊克助經費如聞當職之吏以頗為煩苛之
規覲盈羨以市恩寵細碎而必取指克斯甚交易不行通商惠上抑
又何在宜申明詔用革前非自今除商旅貨殖外其販賣細碎交易
並不得商算違者罪之仍令有司件析頒行天下揭于版懸于官寺

之屋壁以遵守焉
以下原闕

先皇帝親提銳師削平多壘，登言編俗咸興，惟新爰徙，郡城就安。吉
城如聞，編戶猶復重遷，甚非國家興利除害之意也。其并州故城、委
轉運司、告諭人戶勿復居止，有見居者給限百百，令徙新城。及平晉
縣和溝，并側近州縣鎮內，請占官地住居，見耕種城內者，許於
故城內請係官田土居住耕種。應故城內祝物悉除之。

禁勿收羨餘詔

咸平五年正月癸酉

比來司帑廩者多收羨餘，以為課請，蓋出納之際有所重輕，此可責
而不可獎也。宜令有司嚴加戒飭，無使復然。

禁習天文星筭相術圖讖詔

景德元年正月辛丑

象緯之書，典法所禁，戒其私習。抑有舊章。近聞士庶之間，頗行星筭
之術，既資弁覲，持示明文，用懲薄俗。宜令所在告示，管內
除先注勅有陰陽卜筮書外，應元象氣物、天文星筭、相術圖讖，七

曜太乙雷公式六壬遁甲并先停廢諸筭麻私家並家不得停留及
求私傳習有者限一月陳首納官逐處官吏焚毀訖奏取違犯隱藏
者許諸色人論告其本犯人處死論告人給賞錢十萬逐處呈報
術人並送赴闕當議安排替者不在此限

宋朝大詔令集卷第一百九十九

政事五十二

禁約下

禁天文兵書詔 崇德三年四月己亥

天文兵法私習有刑著在律文用防奸偽顧於群小尚或有違將塞
異端宜懲薄俗兩京諸路管內除准勅合留陰陽卜筮書外應元象
器物天文星算相術圖書七曜厓太乙雷公式六壬遁甲兵書先諸
家麻算等不得存留及私傳習有者限一月陳首納官釋其罪令
官吏當面焚毀訖奏限滿不首隱藏違犯並當處死內有私為誑惑
言及災異情理重者當行處斬諭告者賞錢百千逐處有星算術數
人並部送赴闕令司天監試驗安排替者不在此限

禁進奉物不得銷金線文紡詔 大中祥符元年

朕肅膺大寶慎守詒謀思馴致於古風冀日臻於景化節用經費循法度以建中端若務清屏紛華而弗御幸修飭德以導化源而穹昊眷懷靈符昭錫載仲大中之道宜師清淨之風姑務身先用張治本眷言宗室爰泊宋僚常取實以去華表上行而下飭逮諸執事各謹攸司惟采章文物之名載於儀職及宴會供帳之具宣乎礼文蓋朝範之所尊貴國容之有耀所宜如舊用副式瞻自餘供湏並從節約其令有司除袞冕儀仗法服及宴會所設依舊外其外朝及宮禁來輿服御供帳皇親臣寮之家進奉物並不得銷金線文綉有司所闕須創造降詔依奏者即許私行諸司不得起樣進呈仍令皇城使劉承珪龍圖閣待制戚綸以進御物取進止其宴會陳設如重製造亦不得遍地文綉庶成敦朴漸復清純允符上帝之靈心永奉混元之至寶仍令有司錄此詔賜親王公主諸親家一本

大内宮院苑囿今後止用丹白不得五采裝飾幡勝不得用

羅詔 大中祥符元年六月丁酉

朕憂勤視政清淨保邦將儉德以是遵庶淳源而可復秉鎮服御之物已屏於紛華宮闕苑囿之規當存於朴素至于王公戚里卿士庶民因贈遺以相誇剪繒綵而為飾且念蠶績所出機杼斯勞安可茲侈麗之風為淳靡之用宜令誕告用示予懷應寺院祠廟依舊外大内及宮院諸苑囿等自前已有綵繒者若用塗改益成勞費宜令依舊今後止用丹白不得以五綵裝飾皇親士庶之家亦不得施用其幡勝除恩賜外許用綾絹不得用羅諸般花止許用草不得用繅帛

禁誘人子弟求析家產及壞坟域詔 大中祥符

字氓之術敦教為先存乃細民尚迷至化但謀融集罔慎行藏或靡顧宗親顯求析戶或不聞尊屬潛舉息錢頗聞獄訟之源終致流離

之苦念茲多僻宜示禁科自今訪人子弟求析家產恣為不逞及輒
壞攻城者仰逐處即時捕捉并許本家親族鄰人陳告鞠按以聞當
議決配其知情放債人所假錢物不在還理之限如因事彰露應干
察官吏鄰保並等第勘斷

禁約河北

禁咒之方擊刺之術既靡緣于南詔實有乱於齊民言念僻為用中
科禁其河北諸州軍民戶情棄農業學禁術搶劍挑棒之伎者自今
委諸縣令佐常切覈察違者論如法情重者以其令衆

令粘竿彈弓等不得携入宮觀寺院詔

大中祥符二年十一月

朕承天育物体道臨人宗上聖之無為期有生之咸若況列真秘宇
大覲仁祠式示欽崇宜宜棄瀆自今應傷生鷙禽之類粘竿彈弓等
物不得携入宮觀寺院及有屠宰者違論如法又令開封府條約民

間無使廣有採捕

禁粘竿彈弓置網獵捕之物詔

大中祥符三年二月乙亥

方春陽和庶物茂遂爰中邦禁以順天時俾無傷夭之憂以助發生之氣諸州粘竿彈弓置網獵捕之物于春夏月悉禁斷之犯者委長吏嚴行決罰

禁妖妄人詔

大中祥符五年三月癸未

訪聞閭閻門內有人衆目為先生每夕身有光明能於隙竅出入無碍是必妖妄惑衆其令開封府速擒捕禁止之

禁約內臣將命不得收受牒訴詔

大中祥符六年正月戊申

比來內臣將命出外不許干預州郡事如聞有收受牒訴送所在州縣官吏不敢拒之恐緣此或致枉抑自今宜切禁絕違者重論之州郡受而不奏者同罪

禁約不得囑求公事保庇豪右仍貸今日以前詔

大中祥符六年七月庚戌

乃眷官師各膺寄仕宜稟行於朝命庶無濫於桑榆屢降詔條杜其請託承寬漸久為弊茲沐乃有文結富豪潛行假貸冒稱萬戚輒恣規求在于公朝實為蠹政宜申明政用革澆風應今日以前曾以公事私請者特示寬恩更不按問起今後文武官諸色人如復敢于諸處囑求公事保庇豪右者並委所在官司具事以聞文武官並行展削諸色人決配情理重者自從重法官司不即覈察與犯者同罪

禁約倉官不得收羨餘詔

大中祥符八年四月

自我京畿達于淮泗倉庾相望轉輸至多若無增損之欺寧有羨餘之積俾均出納以便公私應裝納倉廩之處及在京諸倉監官等並須均平受納不得收削所收羨餘仍依咸平中條制不理為勞績但一界幹集別無逋負即依元勅施行

禁鎖金詔 大中祥符八年五月壬午

惟彼兼金是名至寶邦家所尚本以備乎威儀民俗相因由是成于奢僭銷銘沒廣耗露實多內者繼下制書禁茲侈服中嚴未一抵冒尚繁今將表正蒼然共還朴素異群情之率俾在眇質之躬行自非大札之來章並命依司而簡省上從中禁下暨庶邦靡限等差同其條約必行之令在率土以咸周可復之言示至公而斯在其東與法物除大札各有舊制外內庭自中宮以下並不依銷金貼金鏤金間金戣金圈金解金剔金脂金明金泥金楞金背金影金欄金盪金織然金線等但係裝著衣服並不得以金為飾其外庭臣庶之家悉皆禁斷三京諸路臣民舊有者限一月許回易為尊像前供養物應寺觀自今裝功得所用金箔湏具殿位尊像顯合增修剏造數經官司陳狀勘會詣實聞奏方得給公凭詣三司收買其明金裝殿果花版

樂身之類應用金為裝飾物降詔前已有者更不毀壞自餘悉皆禁止如敢有違本犯人及上匠千連人並當重斷皇族諸親大臣等固宜奉詔率乃與民苟或有踰必行嚴憲仍令御史臺皇城左右衛司常切查察如不切糾舉致別處彰露並寘其罪其論告人賞錢百貫以犯事人家財充不足者以係省錢支給仍令諸路轉運司遍牒管內揭榜告示

禁屠殺牛詔 大中祥符九年八月癸未

數收之蓄農耕所資盜殺之禁素嚴阜蕃之期是望或罹宰割深可憫傷自令屠耕牛及盜殺牛罪不至死者並繫獄以聞當從重斷

禁採捕山鵲詔 天禧三年二月乙未

山鵲之廣羽族寔繁春後微禽本乎善鬪致嬰羈紲之患以為玩好之資悅目則多違性斯甚載念有生之類務敦咸若之仁屬以陽春

戒時動植叶序特申科禁俾遠熙寧自今諸色人不得採捕山鷄所
在長吏長加禁察

禁金商等州祭邪神詔

天禧三年四月戊辰

隆平之政實貴於防邪聰直之神不欲於非類是以前聖立教明王
守邦具有憲章絕其淫祀朕纂承基緒撫育蒼黔仲孝饗於宗祊奉
裡燔於天地一則以歸功報本一則以祈福兆祥所冀靈隱畢登仁
壽而小民寡識鄙俗易訛如聞金商等州頗有邪神之祭或緣妖妄
輒害生靈違予於聞良用矜軫宜令所在嚴禁絕之如復造作休祥
假託祭祀愚衆所犯頭首及豪強者並處死餘決訖惡面配遠惡處
牢城

禁錦背透背等詔

景祐元年五月丙

織文之奢不啻於國市纂組之作寔害於女工朕稍若令敝務先儉

化深維抑末願興還淳然猶抒軸之家相矜於靡麗衣服之制弗成
於紛華浮費居多踰侈斯甚宜懲俗尚用謹邦典內自掖廷外及宗
族常奉猶於明令無故習於偷風其錦背紡背及遍地密花透背段
子並宜禁斷西川歲織上供者亦罷之

禁鑄金詔 景祐二年五月庚寅

獎品之興金錙為重制財藝貢邦用賴焉洪惟先朝深鑒治本特嚴
金鑄之禁以杜奢僭之萌而宵人未工放利矜巧如聞比、潛冒禁
防縻壞至珍崇華首服浸相負鬻陰長奇袤官司因循曾未呵糾宜
申布於前令俾大革其非心尚或弗悛罔有攸效敢風遠罪當稱朕
懷應市肆造作綾金為婦人首飾等物並嚴行禁絕

詳定宮室物玩制度詔 景祐三年二月壬戌

夫儉守則固約失則鮮典稽之格訓也貴不逼下賤不僭上臣庶之

定分也如聞輦轂之間士民之衆因遵矩度爭尚僭奢服玩纖華務極金珠之飾室居宏麗交窮土木之工倘懲革之弗嚴懲因循而滋甚况歷代之制甲令脩存宜命攸司忝為定式庶幾成俗靡蹈非典其令兩制興太常禮院同詳定制虔以聞

禁鹿胎詔 景祐三年

冠冕有制蓋戒於侈心麋卵無傷用著於庶類惟茲應鹿伏在中林宜安濯濯之游勿失呦呦之樂而習俗所貴獵捕居多資其皮存用諸首飾苑刻胎而是取曾走險之莫逃既流民風且暴大物特申明詔仍立嚴科絕其尚異之求一此好生之德宜令刑部遍牒三京及諸路轉運司暗下州府軍監縣等應臣僚士庶之家不得戴鹿胎冠子及今後諸色人不得採捕鹿胎并製造冠子如有違犯并許諸色人陳告其本犯人嚴行勘遺告事人如採捕鹿胎人支賞錢二十貫

文陳告戴鹿胎冠子并製造人支賣錢五十貫文以

禁銷金詔 度祿二年五月戊寅

朕欽遵聖猷精求政治務菲躬而圖儉庶率已以先民眷乃良金時
為上幣何茲流俗未移醇風侈靡相夸露獎滋廣銷熱珍寶更尚服
采効增魚龍之文頗奸與輦之制浸踰法度遂益僭差傾在先朝累
班深詔屢重禁防之格仍聞購告之望肆朕緒承亦常申飭如聞近
歲違冒猶多仰條舉於舊章異標成於淳化必毆衆正宜自近初上
從宦掖之嚴下暨臣民之五均行屏絕用一等倫無習匪異輕陷明
憲其乘輿法物除大札各有舊制依前行用內廷自中宮已下並不
依銷金貼金錢金間金嵌金餅金剔金明金泥金楞金欄金盤金織
撚金線等但係裝著衣服並不得以金為飾其外廷臣庶之家不以
有司有封邑並皆禁斷宜令臺司申明前後條貫指揮

禁結集社會詔

治平三年四月丙午

夫左道亂法淫祀敗俗與夫賊殺善良之人皆前古之所甚禁而在
上者所同疾也朝廷比設防制以糾奸違厚賞以明告訴之科嚴罰
以重繼出之坐而無知之民抵罪尚衆此皆奉詔者不能先事教防
以時捕繫但歲舉空文塞責而已自今其務各悉乃心謹察所部毋
或長惡以亂吾民慢令有誅朕所不赦宜令刑部遍牒諸路運司指
揮官司自今後常行檢察毋得寬縱如不切舉行別致彰露其長吏
以下常行朝典

帶御器械郭天信乞罷翡翠裝飾御筆

大觀元年十月二十日

先王之政仁及萬物草木禽獸皆在所愛今取其羽毛用於不急傷
生害性非先王惠養萬物之意可依天信所奏仍令有司立法開奏
禁止不得用君字為名字御筆

此和八年二月

君出命以尸衆主道也古之人言聖君明君人君以尊天子帝君大
君元君以嚴高真備名而致實豈人臣可得而稱者今則或以制名
或命字或相謂為君柔上下之分重君臣之義不可以訓宜行禁止
以詔萬世違者以大不恭論

禁止褻服若履笠鈞整之類御筆 以和二年

古者衣服冠冕取法象數尊卑有別貴賤有等各有其制罔得僭踰
先王之法壞

習尚既久人不知恥禮義所出而

違礼害義多矣天下承平百五十餘年礼所需興因陋承誤未有之
禁非 之道可自今應取褻服若履笠鈞整之類者以違御
筆諭布告中外咸使聞知

宋朝大詔令集卷第二百

政事五十三

刑法上

非疑獄不得奏裁詔

建隆三年二月癸巳

國家外建庶官共分憂寄各專事任素有綱條苟務因循漸成弛紊應諸道州府凡有刑獄公事仰詳斷官依法斷遣不得申奏取裁如顯是疑及有異見即聽上聞稍涉不公當行朝典

改竊盜贓計錢詔

王者禁人為非莫先於法令議事以制必務於哀矜世屬亂離則糾之以猛人知恥格宜濟之以寬竊盜之徒本非巨惡奸生不足罪抵歲科今條法重於律文財賄輕於人命俾寬禁網庶合舊章今後犯竊盜贓滿五貫文者處死其錢以一百文為陌不滿者以降罪有差

諸道公案下大理檢斷詔

貞德二年正月甲辰

周廣順元年七月十一日勅天下刑獄皆須大理寺正斷刑部詳覆
不得中書門下便即處分又唐長興元年五月三日勅御史臺奏大
理斷刑獄覆視請據推狀中有十人已上罪合詳斷罪道有二十件
已上為大事六人以上十人以下或斷十件已上為中事五事以下
及所斷不滿十件為小事大理寺限三十日刑部限十五日中
事大理寺限二十日刑部限十日小事大理寺限十日刑部限五日
者且刑法之重政教所先法寺當平斷重輕刑部在審量可否泊乎
近日頗紊典章案牘每來煩朕親覽斯為曠職何以責成自今諸道
公案宜並下大理寺檢斷刑部詳覆即須依限無致稽遲稱職者必
議轉遷無勞者並當退黜庶令官局符蓋器能其或斷覆淹留比附
差舛致中書門下提舉改正者重責其罪

申明奏裁詔

乾隆二年正月丁未

獄者人之命也吏者民之師也更有上下咸宜盡心故漢制獄之疑者獄於有司所不能決者移於廷尉蓋欲各修其職無相奪倫達於近年頗廢舊章或滯獄以不斷多避事而上言宜振綱條重申整革自今諸道州府刑獄公事仰一准建隆三年二月癸巳詔書從事仍依重詳定刑統節文如詳斷官避事不便依法斷遣停滯刑獄妄煩朝廷量罪停罰准例律合奏取勅裁者不在此限

增犯藍斤兩詔

乾隆四年十二月

孔子謂刑罰不中民無所措手足則法令之用欽恤為先應犯藍條例在建隆詔書已從降貸尚念近年以降抵罪者多特示明文更從輕典宜令有司量增所犯藍斤兩差定其罪著甲令

枷械圖固五日一檢視洒掃勤洗小罪即時決遣詔

開寶二年四月

扇喝泣奉前王能事恤刑緩獄有國通規今朱夏既臨潯署方甚將
茲縲繫深用哀矜宜今有司限詔到其囚人枷械圍固戶庭吏每五
日一檢視洒掃湯洗務在清潔而所自給者俱然飲食病者給醫
藥小罪即時決遣重繫無有淹滯

繼母殺傷夫前妻子及婦以殺傷凡人論詔太平興國二年五月丙寅

刑辟之設蓋厚於人倫孝慈所生實由于天性矧乃嫡繼之際固有
愛憎之殊情或可原法難共貫今後繼母殺傷夫前妻之子入其婦
並以殺傷凡人論嘗為人之繼母而夫死改嫁者不得占夫家財物
當盡付之夫子孫子孫勿者官司檢校候其成長乃然後給之違者以
盜論仍令有司頒行天下

令諸州大獄長吏五日一親臨憲問詔太平興國六年九月壬戌

諸州大獄長吏不親決吏緣為奸逮捕証左滋蔓或踰年而獄未具

自今宜令州長吏五日一親臨慰問得情者即決遣之

兩京諸州府繫囚令役夫洒掃獄戶每五日一遣吏視之詔

太平興國六

年十月丁亥

應兩京及諸州府繫囚等朕焦勞萬幾欽恤庶獄乃眷士民之蕃庶
尚念法令之滋彰囹圄未空逮捕猶衆常磔石流金之候在黃沙衆
棘之中不示哀矜豈彰仁恕宜令諸處候詔到日令役夫洒掃獄戶
每五日一遣吏視之供饋水漿洗滌粗械疾者給醫藥無使飢渴大
枉以傷好之德生焉

文武常參官保舉人犯私罪減一等公罪減二等詔

太平興
國七年

六月
甲戌

古者設進善之旌下求材之詔並命有位各舉所知蓋慮有被褐懷
玉而不聞拔茅連茹之靡及也然而冒進者或出於僥倖舉能者或

因於請託一言必名倘為其所窺百里之賢亦忍乎難致爰徵舊典
式建新規昔士伯之受田蓋不避於賞何忌之辭酒忍必任其罰故
事彰灼可舉而行自今文武常參官所保舉人犯私罪無輕重或一
等論公罪即減二等論仍著於令

龔士元獄事訖該約諸道盡心鞠獄詔

太平興國九年二月甲午

著作佐郎龔士元治其姪小燕之罪獄既具將加刑朕疑其奸因令
有司再窮問果得士元奸狀朕方撫育恭元欽恤刑憲豈容照脂之
肉上有冤枉之人駢亂政經損傷和氣望其按治豈可得乎應兩京
及諸道州府凡有鞠獄宜令盡心無致枉撓

令天下繫囚十日具犯由收禁月日奏詔

太平興國九年三月甲寅

蓋聞刑者不可復屬死者不可復生故三復行誅聖人之所至慎一
成不變君子之所盡心朕勤恤兆民哀矜庶獄每至三伏炎蒸之際

隆冬凝沍之時未嘗不念彼閭扉憫茲徽纆而稍霽其吏弄法舞文
或苛害以立威或稽留而不決挽憲令之綱紀傷天地之至和而欲
百姓阜安四時順序其可得乎應天下禁囚宜令諸處州府軍監每
十日一具所犯事由收禁月日聞奏仍委刑部糾舉

司理掠囚致死以私罪罪之詔

太平興國九年五月戊午

國家欽恤刑事重惜人命豈容酷吏恣為深文掠治無辜致其殞殺
損傷和氣甚於斯鳳翔府司理恭軍楊燕鄭州叅軍張睿並掠囚
至死已從私罪決遣訖今後犯者並以私罪罪之

先令諸道刑獄五日一錄問今後宜十日一錄問詔

太平興國九年

六月庚子

先是六年十二月辛丑詔書應諸道刑獄每五日一錄問今天下亦
幾於治矣然頗為勞煩特示改更永則遵守今後宜令十日一錄問

杖罪以下便可依理疎矣

御史府推獄令御史躬親訊問詔

太平興國九年七月乙卯

御史府忘令所繫獄訟攸歸凡在官聯皆為要劇所宜謹恪以承重任強毅以肅群姦豈可因循恣成縱弛如聞堂中鞠獄多是委之有司御史但雍容端坐養高自重而已故令群吏為奸無所不至豈所謂徇公求理欽恤慎重之意乎今後凡有刑獄當推御史並須躬親訊問研究詞情不得信任胥吏仍令中丞及知雜御史常加糾舉

諸道州府關覈杖以下便可決斷不必下有司詔

太平興國九年八月

實八

國家撫育黎民哀矜庶獄累降詔勅以警有司而約束之言猶有未盡更脩其事中而明之應兩京諸道州府關覈至杖以下本處長吏便可躬親決斷不必更下所司廣有追捕使獄吏因緣為姦及遠郡

刑獄有無可疑而奏案待報者自今並禁止之

遣使分路按數即決詔

雍正二年八月癸酉

朕以庶政之中獄訟為切欽恤之意何嘗暫忘蓋郡縣至廣積聚者眾苟有冤抑即傷至和今遣秘書丞崔惟翰等分路按問小事即決大事須証佐者促行之仍廣察官吏勤惰以聞

令長吏視司理不勝任者簿尉中兩易詔

雍正二年八月庚辰

王者任人各有攸處苟違其用則無曠官近以新及第人為司理參軍恐其初列官常未通刑法令州郡長吏視其不勝任者於判司簿尉中兩易之

令凡禁繫之所並洒掃供給遵飲詔

雍正三年四月壬寅

王者光宅四海敷佑萬方固宜興物為春順天行令當此炎蒸之候念其縲紲之人宜申欽恤之懷庶協其羸之候宜令諸道州府凡禁

繫之所並須洒掃牢獄供給漿飲械繫之具皆令潔淨疾病者為致醫療無家屬者官給口糧小罪即決遣大罪窮究其情無致淹延以稱朕意

令幕職州縣官習讀法書知通幕職州縣官秩滿試法書詔

雍熙三年
九月癸未

夫刑法者理國之準繩御世之銜勒輕重無失則四時風雨之弗迷出入有差別兆人之手足何惜念食祿居官之士皆親民決獄之人苟金科有昧於詳明則丹筆若為於裁處用表哀矜之意宜行激勸之文應朝臣京官及幕職州縣官等今後並須習讀法書庶資從政之方以副恤刑之意其知州通判及幕職州縣官等秩滿至京當令於法書內試問如全不知者量加殿罰

令訊掠申本屬長吏判許方許拷訊不在更集官吏詔

雍熙三年

四月
乙丑

王者惠養黎民慎重庶獄每行拷訊合集衆官共視之蓋防吏之
任情也然刑獄之中舊有典制時施永久宜在改更今應禁勘罪人
內有証左明白抗不伏准格律令加訊掠者其事由申以本屬長吏
判訊方許拷訊不在更集官屬

誠約諸道所奏公案準律合奏方得取旨詔

嘉熙四年正月癸巳

庶務之設各有司存棄職不修豈能從政向者州縣或以可斷公案
奏取勅裁豈惟紊亂常規蓋盡廢墮所職累行詔旨尚或因循自今
諸道所奏公案須是准律合奏方得取旨如違一准太平興國七年
十月戊寅詔書從事

遣使西川嶺南江浙等道按問刑獄詔

嘉熙四年正月己卯

庶務之中惟刑是恤蜀獄訟有所枉抑則和氣為之損傷宜遣右補

閱韓援等分往西川嶺南江浙等道按問刑獄小事即決之大事趣令速了事有可了而官吏故違指緩者鞠其狀以聞

禁鼠彈等詔

端拱元年正月乙酉

典獄之官理資於欽恤經國之道政尚於寬仁庶洽時雍用期刑措如聞酷吏頗恣兇威慮致陷於寃人必有傷於和氣宜行禁止以示哀矜應天下刑獄罪人內有合行訊問者只得一依律令其鼠彈等非理殘忍之類並禁之

令中外臣僚讀律詔

端拱二年十月乙巳

朕聽政之暇悉覽群書至於律令之文咸究重輕之理甯生民之警戒乃有位之華縱苟昧欽詳曷明政理中外臣僚宜令公事之外常讀律書務在研精究其條約施之則足以斷事守之則可以檢身凡爾庶官宜体朕意

誠約州郡刑獄詔

淳化元年正月乙巳

朕司牧黎民於庶獄累行欽恤之詔用推仁恕之恩而以官吏之間委任尤劇凡在決讞所宜盡心巧詆者必致於蔽科平反者亦加其懲賞懲勸之道斯為至焉近者達州司法叅軍鄭侃等擅以平民陷於死罪鞭笞楚毒數鍊周密論報已具上下相蒙達予聽聞深用嗟憫已正三章之罰俾從兩觀之誅因念州縣至繁刑辟未措或有深文之吏尚多無告之人各宜遵守詔條恪居官決常信賞必罰之際體好生惡殺之心勉思竭情無自獲戾

御史府斷徒以上令丞郎給舍一人親慮問詔

淳化三年五月壬寅

獄犴之設欽恤為先倘刑辟之失中則和平而曷致御史府紀綱寓縣近在國門片言之間或出於偏聽四海之廣何徧于盡心宜推明慎之文更示哀矜之道自今御史府斷徒罪已上獄具令尚書丞郎

兩省給舍已上一人親臨應問得情者決之

宋朝大詔令集卷第二百